

kami, apabila mendatangi kawasan sesuatu kaum, amat buruklah pagi hari yang dialami orang-orang yang diperingatkan tersebut.”¹¹⁶⁵

٧- بَابُ مَا يَقُولُ إِذَا سَمِعَ الْمُنَادِي

7- Bab Apa Yang Diucapkan Ketika Mendengar Suara Mu'azzin.¹¹⁶⁶

orang-orang Yahudi sedang nyenyak tidur di dalam benteng dan kubu yang dikunci rapat oleh mereka. Dan pada pagi keesokannya mereka keluar seperti biasa menuju ke kebun dan ladang masing-masing. Tidak terduga oleh mereka bahawa orang-orang Islam yang dipimpin oleh Nabi mereka sudah pun tiba di pekarangan mereka. Selepas Subuh, Rasulullah s.a.w. terus memecut kudanya dan mengarahkan para sahabat agar memecut kuda masing-masing. Melihat Rasulullah dengan bala tentera yang begitu ramai itu, orang-orang Yahudi lari bertempiaran. Kerana terlalu takut, mereka akhirnya bersembunyi di dalam benteng-benteng dan kubu-kubu mereka yang kukuh. Kuda Abu Thalhah berlari kencang sejajar dengan kuda Rasulullah s.a.w. Anas membonceng di belakang Abu Thalhah. Kedudukan kuda Rasulullah dalam larian itu begitu hampir dengan kuda Abu Thalhah, sehingga kata Anas, kakiku benar-benar telah menyentuh kaki Nabi s.a.w.

¹¹⁶⁵ Bahagian terakhir hadits ini, iaitu فَسَاءَ صَبَاحُ الْمُنْذَرِينَ adalah sebahagian daripada satu ayat al-Qur'an. Ia selengkapnya adalah seperti berikut:

فَإِذَا نَزَلَ بِسَاحَتِهِمْ فَسَاءَ صَبَاحُ الْمُنْذَرِينَ

Bermaksud: Apabila azab itu turun dalam daerah dan kawasan mereka, sudah tentu buruklah pagi hari orang-orang yang tidak mengindahkan amaran yang telah diberikan. (Ash-Shaffaat: 177).

¹¹⁶⁶ Bab ini juga diadakan Bukhari untuk membuktikan kelebihan dan keutamaan azan. Azan tidak seperti ibadat-ibadat lain. Ia perlu disahut dan dijawab. Itulah perintah Nabi s.a.w. Cuma bagaimana cara azan itu disahut dan dijawab? Di dalam hadits-hadits yang dikemukakan di bawah bab ini ada jawapannya. Di dalam hadits 611, jawapannya ialah apa yang disabdakan oleh Rasulullah s.a.w. فَقُولُوا مِثْلَ مَا يَقُولُ الْمُنَادِي. Bermaksud: ucaplah (jawablah) seperti apa yang diucapkan mu'azzin. Hadits 612 dan 613 mengemukakan satu contoh jawapan azan oleh salah seorang sahabat Nabi yang terkenal. Di dalam hadits 612, tersebut Saiyyidina Mu'aawiah menjawab seperti apa yang diucapkan oleh mu'azzin setakat ucapan "Asyhadu anna Muhammadar Rasulullah" sahaja. Hadits 613 menjelaskan jawapan Saiyyidina Mu'aawiah terhadap ucapan mu'azzin, 'Hayya 'Alash shalah' (Marilah bershalat). Beliau menjawabnya dengan berkata, 'Laa Haula Wa Laa Quwwata Illaa Billah' (Tidak ada daya dan upaya melainkan dengan izin dan pertolongan Allah). Setelah selesai menjawab semua ucapan azan, beliau berkata, "Demikianlah kami mendengar Nabi kamu mengucapkan." Begitulah jawapan yang dituntut supaya orang yang mendengar azan menjawabnya. Walaupun apa yang tersebut di dalam hadits-hadits 611, 612 dan 613 itu kelihatan tidak lengkap, bagi Bukhari ia sudah memadai. Jawapan yang betul-betul lengkap dapat dilihat di dalam hadits-hadits yang lain pula. Satu lagi perkara yang hendak diketengahkan oleh Bukhari ialah terdapatnya perbedaan pendapat para 'ulama'

٦١١ - حَدَّثَنَا عَبْدُ اللَّهِ بْنُ يُسُفَ قَالَ أَخْبَرَنَا مَالِكٌ عَنْ ابْنِ شِهَابٍ عَنْ عَطَاءِ بْنِ يَزِيدَ اللَّيْثِيِّ عَنْ أَبِي سَعِيدٍ الْخُدْرِيِّ

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ إِذَا سَمِعْتُمُ النِّدَاءَ فَقُولُوا مِثْلَ مَا يَقُولُ الْمُؤَذِّنُ

611- `Abdullah bin Yusuf meriwayatkan kepada kami, katanya: Malik meriwayatkan kepada kami daripada Ibn Syihaab daripada `Athaa' bin Yazid Al-Laitsi daripada Abi Sa'id Al-Khudri, bahawa Rasulullah s.a.w. bersabda: “Apabila kamu mendengar azan, maka ucaplah (jawablah)¹¹⁶⁷ seperti apa yang diucapkan mu'azzin.”¹¹⁶⁸

berhubung dengan cara jawapan azan. Ada yang mengatakan jawapannya ialah betul-betul seperti yang diucapkan oleh mu'azzin. Ada pula yang mengatakan jawapannya ialah seperti yang diucapkan oleh mu'azzin, kecuali ucapan *حيطتين* 'Hayya 'Alash Shalah' dan 'Hayya 'Alal Falaah'. Kedua-dua ucapan ini hendaklah dijawab dengan *حوقة*, iaitu 'Laa Haula Wa Laa Quwwata Illaa Billah' (Tidak ada daya dan upaya melainkan dengan izin dan pertolongan Allah). Imam Bukhari tidak memberi kata putus tentang yang mana satu daripada dua bentuk jawapan itu harus dipilih. Kerana pada pandangan beliau kedua-dua cara jawapan itu ada asasnya berupa hadits-hadits sahih daripada Rasulullah s.a.w. Para `ulama' pula berbeza pendapat tentangnya. Pegangan kedua-dua pihak kuat kerana bersandarkan hadits yang sahih. Bagaimanapun daripada cara beliau mengemukakan hadits-hadits di bawah bab ini, beliau nampaknya lebih cenderung kepada pendapat yang dipilih oleh jumhur `ulama', iaitu selain *حيطتين* 'Hayya 'Alash Shalah' dan 'Hayya 'Alal Falaah', semua ucapan azan hendaklah dijawab seperti yang diucapkan oleh mu'azzin. Hadits 611 mengisytiharkan kepada kebanyakan lafaz azan hendaklah dijawab seperti yang diucapkan oleh mu'azzin. Hadits 612 dan 613 pula mengisytiharkan kepada lafaz azan yang dikecualikan daripada tuntutan mengucapkan seperti yang diucapkan oleh mu'azzin. Hadits 611 bersifat umum. Hadits 612 dan 613 pula mentakhsiskannya. Itulah kaedah yang dipakai oleh Bukhari dalam menghadapi dua hadits yang zahirnya kelihatan bertentangan itu.

¹¹⁶⁷ Perintah wajib atau sunat menjawab azan itu menurut para `ulama' adalah bersyarat, iaitu apabila mendengar suara mu'azzin secara langsung. Hadits inilah yang menjadi sandaran mereka. Itulah sebabnya an-Nawawi berkata, jika seseorang nampak mu'azzin sedang melaungkan azan di atas menara, tetapi ia tidak mendengar suaranya, maka ia tidak dituntut menjawabnya.

¹¹⁶⁸ Penggunaan perkataan *يَقُولُ* (dengan *sighah mudhari'*) bukan *قَالَ* (dengan *sighah madhi*) di sini mengisytiharkan kepada jawapan yang dituntut adalah menyusuli setiap ucapan azan yang diucapkan oleh mu'azzin, bukan setelah selesai azan semua sekali. Hadits Ummu Habibah yang dikemukakan oleh an-Nasaa'i, Ibnu Khuzaimah dan Abu Ya'la dengan sanad yang dha'if menjelaskan caranya begini: *أَنَّ رَسُولَ اللَّهِ - صَلَّى اللَّهُ عَلَيْهِ وَسَلَّمَ - كَانَ يَقُولُ كَمَا يَقُولُ الْمُؤَذِّنُ حَتَّى يَسْكُتَ الْمُؤَذِّنُ*. Bermaksud: “Sesungguhnya Rasulullah s.a.w. selalu mengucapkan seperti apa yang diucapkan oleh mu'azzin sehingga mu'azzin diam (selesai azan).” Ertinya ialah Rasulullah s.a.w. mengucapkan setiap ucapan azan sebaik saja mu'azzin mengucapkannya hingga ke akhir. Berdasarkan ma'na umum hadits ini, pendengar dikehendaki mengucapkan betul-betul seperti yang diucapkan oleh mu'azzin dari awal hingga ke akhir azan. Bagaimanapun riwayat yang dikemukakan Bukhari selepas ini mengecualikan *حيطتين* (ucapan 'Hayya 'Alash Shalah' dan 'Hayya 'Alal Falaah', kerana kedua-duanya dijawab dengan *حوقة*, iaitu dengan berkata, 'Laa

Haula Wa Laa Quwwata Illaa Billah' (Tidak ada daya dan upaya melainkan dengan izin dan pertolongan Allah). Inilah cara jawapan azan menurut jumhur 'ulama'. Dan jawapan azan itu tidak wajib di sisi mereka. Menurut sesetengah 'ulama' Hanafiyyah, Malikiyyah, Ahli az-Zahir dan sekumpulan Salaf, jawab azan adalah wajib. Kebanyakan 'ulama' mengatakan jawapan terhadap seruan azan (الإجابة) itu terbahagi kepada dua. Pertama, jawapan dengan ucapan (الإجابة بالقول). Kedua, jawapan dengan perbuatan (الإجابة بالإقدام أو بالفعل). Maksud jawapan dengan perbuatan ialah mengerjakan shalat yang dilaungkan azan kerananya, dalam masanya. Sama ada di masjid di mana dilaungkan azan itu atau di lain-lain tempat. Menurut jumhur 'ulama', termasuk Imam Bukhari, Malik, Syafi'e dan Ahmad, jawapan dengan ucapan adalah mustahab, tidak wajib. Kata al-'Aini, "Malik, Syafi'e, Ahmad dan jumhur fuqaha' berpendapat ia mustahab, tidak wajib. Inilah juga pendapat pilihan at-Thahaawi. Kata an-Nawawi, mustahab menjawab seruan azan dengan ucapan."

Pendapat yang rajih dan mufta bihi (pendapat yang dipilih dalam berfatwa) dalam mazhab Hanafi juga mengatakan tidak wajib. Di dalam Fatawa Qadhi Khan (Hasan bin Manshur bin Abil Qasim Mahmud bin 'Abdil 'Aziz al-Uzajandi al-Farghani m.592H) tersebut, "Menjawab seruan mu'azzin dengan ucapan adalah suatu kelebihan (keutamaan). Jika seseorang meninggalkannya, tidaklah ia berdosa." Para 'ulama' mereka juga mengguna kaedah yang sama, iaitu jawapan dengan ucapan tidak wajib. Yang wajib ialah jawapan dengan perbuatan.

Antara alasan jumhur 'ulama' yang mengatakan jawab azan dengan ucapan itu tidak wajib ialah hadits sahih yang diriwayatkan daripada Anas bin Malik, 'Abdullah bin Mas'ud dan lain-lain sahabat oleh sekian ramai pengarang kitab-kitab hadits. Lihat haditsnya di bawah ini:

كَانَ النَّبِيُّ -صَلَّى اللَّهُ عَلَيْهِ وَسَلَّمَ- لَا يُغَيِّرُ إِلَّا عِنْدَ صَلَاةِ الْفَجْرِ فَإِنْ سَمِعَ أَذَانًا أَمْسَكَ وَإِلَّا أَغَارَ فَاسْتَمَعَ دَاثَ يَوْمٍ قَسِمَعِ رَجُلًا يَقُولُ اللَّهُ أَكْبَرُ اللَّهُ أَكْبَرُ فَقَالَ أَشْهَدُ أَنْ لَا إِلَهَ إِلَّا اللَّهُ فَقَالَ خَرَجْتَ مِنَ النَّارِ

Bermaksud: Nabi s.a.w. tidak menyerang (musuh) kecuali pada waktu shalat Subuh. Jika suara azan kedengaran, Baginda tidak akan melancarkan serangan. Jika tidak kedengaran, barulah serangan dilancarkan. Pada suatu hari, Nabi s.a.w. mengintai dengar (suara azan), tiba-tiba Baginda s.a.w. terdengar suara seseorang yang sedang mengucapkan الله أكبر الله أكبر. Mendengar ucapan itu teruslah Nabi s.a.w. mengucapkan: عَلَى الْفِطْرَةِ (engkau Islam). Apabila orang itu mengucapkan أَشْهَدُ أَنْ لَا إِلَهَ إِلَّا اللَّهُ, berkatalah Baginda: خَرَجْتَ مِنَ النَّارِ (telah selamatlah engkau dari neraka). (Hadits riwayat Muslim, Ahmad, Tirmizi, Ibnu Khuzaimah, Abu Ya'la, Abu 'Awaanah, al-Bazzaar dan lain-lain). Berdasarkan hadits ini, Nabi s.a.w. sendiri pernah tidak menjawab azan seperti yang diucapkan oleh mu'azzin. Ia menunjukkan jawab azan seperti yang diperintahkan oleh Baginda s.a.w. di dalam hadits Abu Sa'id di atas hanyalah mustahab. Ia tidak menunjukkan wajib.

Dalam keadaan terdengar beberapa azan, seseorang boleh memilih, sama ada mahu menjawab salah satu daripadanya atau memilih yang mula-mula sekali didengarinya. Ia tidak perlu menjawab semua sekali azan yang terdengar itu. Kerana ia boleh menyukarkan.

Sesetengah 'ulama' HaNabilah dan Malikiyyah berpendapat, dalam menjawab ucapan حَيِّتَيْنِ (ucapan 'Hayya 'Alash Shalah' dan 'Hayya 'Alal Falaah', hendaklah dipakai kedua-dua hadits. Hadits yang menyuruh kita mengucapkan betul-betul seperti yang diucapkan oleh mu'azzin dan juga hadits yang menyuruh kita berhauqalah (mengucapkan, 'Laa Haula Wa Laa Quwwata Illaa Billah'). Ertinya ialah menjama'kan atau menyebutkan kedua-duanya. Mula-mula disebutkan betul-betul seperti apa yang diucapkan mu'azzin, kemudian mengucapkan pula 'Laa Haula Wa

٦١٢ - حَدَّثَنَا مُعَاذُ بْنُ فَضَالَةَ قَالَ حَدَّثَنَا هِشَامٌ عَنْ يَحْيَى عَنْ مُحَمَّدِ بْنِ إِبْرَاهِيمَ بْنِ الْحَارِثِ قَالَ حَدَّثَنِي عِيسَى بْنُ

طَلْحَةَ أَنَّهُ سَمِعَ مُعَاوِيَةَ يَوْمًا فَقَالَ مِثْلَهُ إِلَى قَوْلِهِ وَأَشْهَدُ أَنَّ مُحَمَّدًا رَسُولُ اللَّهِ

612- Mu'adz bin Fadhalah meriwayatkan kepada kami, katanya: Hisyam (ad-Dastawa'i) meriwayatkan kepada kami daripada Yahya (bni Abi Katsir) daripada Muhammad bin

Laa Quwwata Illaa Billah'. Kata Hafiz Ibnu Hajar, menurut Ibnu al-Munzir, hadits-hadits di atas menunjukkan perbedaan yang diharuskan. Kadang-kadang boleh menjawab begini, kadang-kadang pula boleh menjawab begitu. Pendapat al-Muhaddits Maulana Muhammad Anwar Shah al-Kashmiri lebih kurang sama dengan pendapat Ibnu al-Munzir yang dikemukakan oleh Hafiz Ibnu Hajar itu. Bagi beliau, adalah lebih elok ditukar-tukar jawapan bagi ucapan *حيَلَتَيْنِ* (ucapan 'Hayya 'Alash Shalah' dan 'Hayya 'Alal Falaah' itu. Pendengar kadang-kadang menjawabnya seperti ucapan mu'azzin, kadang-kadang pula menjawabnya dengan berhauqalah (mengucapkan, 'Laa Haula Wa Laa Quwwata Illaa Billah'). Kedudukannya sama seperti zikir-zikir dan doa-doa yang diajarkan oleh Rasulullah s.a.w. supaya dibaca selepas shalat misalnya. Seseorang tidak perlu membaca kesemuanya, kerana ia akan mengambil masa yang agak lama. Tidak perlu juga ia terikat dengan mana-mana satu daripadanya. Ia seelok-eloknya dibaca secara bergilir-gilir atau dipilih mana-mana yang sesuai dan patut dibaca sahaja. Seseorang 'ulama' pula berpendapat, *حيَلَتَيْنِ* (ucapan 'Hayya 'Alash Shalah' dan 'Hayya 'Alal Falaah' itu hanya harus dijawab dengan *حَوْقَلَةٌ* (Laa Haula Wa Laa Quwwata Illaa Billah) sahaja. Ia tidak boleh dijawab seperti ucapan mu'azzin. Kerana jawapan seperti yang diucapkan oleh mu'azzin semacam memperolok-olok dan mempersendakannya.

Ada 'ulama' kerana terlalu berpegang dengan zahir hadits mengatakan, orang yang sedang bersembahyang juga termasuk dalam tuntutan hadits ini. Ia juga perlu menjawab azan. Yang sebetulnya tidaklah begitu. Ia masih boleh menjawabnya selepas selesai bershalat. Demikian juga dengan orang yang sedang berada di dalam tandas atau sedang bersetubuh.

Segolongan 'ulama' kerana berpegang dengan ma'na umum hadits di atas berpendapat, iqamat juga perlu dijawab. Kerana ia juga termasuk dalam ma'na *النداء* yang umum. Ucapan-ucapannya juga lebih kurang sama. Cuma apabila muqim (orang yang beriqamat) mengucapkan *قَدْ قَامَتِ الصَّلَاةُ*, pendengar hendaklah berkata, *أَقَامَهَا اللَّهُ وَأَدَامَهَا* (semoga Allah teruslah menegakkannya dan mengekalkannya). Hadits-hadits yang dengan terang menyuruh menjawab ucapan iqamat juga ada. Tetapi menurut Maulana Anwar Shah Kashmiri, Syeikh al-Albaani dan lain-lain, sanad-sanadnya tidak sahih. Tidak ada satu pun daripadanya tsabit di dalam hadits-hadits sahih. Alasan golongan yang mengatakan iqamat juga perlu dijawab, tidak ada di dalam hadits-hadits sahih, kecuali hadits Abu Sa'id al-Khudri di atas yang menggunakan perkataan an-nidaa' itu jua. Ia dipakai mereka secara umum untuk azan dan juga untuk iqamat. Sedangkan golongan 'ulama' yang tidak menerima adanya jawapan yang perlu diberikan untuk iqamat, mengatakan perkataan an-nidaa' itu menurut 'urufnya adalah digunakan untuk azan semata-mata. Ia tidak digunakan untuk iqamat. Selain itu, jika diterima iqamat juga seperti azan menghendaki jawapan, maka apakah dituntut juga dibaca doa yang dibaca selepas azan? Kalau begitu dua kalilah doa tersebut sunat dibaca! Perkara ini tidak pula tersebut dengan jelas di dalam mana-mana hadits!! Apa yang zahir ada dan dituntut dalam kebanyakan hadits hanyalah doa selepas azan sahaja.

Ibrahim bin Al Harits. Kata Beliau, 'Isa bin Thalhah meriwayatkan kepadaku bahawa pada suatu hari dia mendengar Mu'awiah mengucapkan seperti apa yang diucapkan mu'azzin hingga ucapannya: "Wa asyhadu anna Muhammadar Rasulullah."¹¹⁶⁹

٦١٣ - حَدَّثَنَا إِسْحَاقُ بْنُ رَاهَوَيْهِ قَالَ حَدَّثَنَا وَهْبُ بْنُ جَرِيرٍ قَالَ حَدَّثَنَا هِشَامٌ عَنْ يَحْيَى نَحْوَهُ قَالَ يَحْيَى وَحَدَّثَنِي بَعْضُ إِخْوَانِنَا أَنَّهُ قَالَ لَمَّا قَالَ حَيٌّ عَلَى الصَّلَاةِ قَالَ لَا حَوْلَ وَلَا قُوَّةَ إِلَّا بِاللَّهِ وَقَالَ هَكَذَا سَمِعْنَا نَبِيَّكُمْ صَلَّى اللَّهُ عَلَيْهِ وَسَلَّمَ يَقُولُ

613- Ishaq bin Rahawaih meriwayatkan kepada kami, katanya: Wahab bin Jarir meriwayatkan kepada kami, katanya: Hisyam (ad-Dastawa'i) meriwayatkan kepada kami daripada Yahya (bin Abi Katsir) hadits yang sama mafhumnya dengan hadits sebelum ini.¹¹⁷⁰ Kata Yahya (bin Abi Katsir), seorang saudara kami¹¹⁷¹ menceritakan kepadaku

¹¹⁶⁹ Dhamir di dalam فقال kembali kepada Mu'aawiah. Dhamir pada مثله kembali kepada mu'azzin. Dan dhamir pada إلى قوله kembali kepada Mu'aawiah, bukan kepada mu'azzin. Kerana mu'azzin tidak bertasyahhud (mengucapkan) "Wa asyhadu anna Muhammadar Rasulullah" dengan ada haraf و di permulaannya. Dengan ada haraf و begitu, hanya disebutkan ketika mengucap dua kalimah syahadah di luar azan atau ketika bertasyahhud di dalam shalat. Adapun ketika azan, و tidak disebutkan. Demikianlah yang terdapat di dalam sekian banyak hadits tentang lafaz-lafaz azan. Antara bukti kenapa Saiyyidina Mu'aawiah menjawab tasyahhud kedua dengan menambahkan haraf و di permulaannya ialah hadits yang diriwayatkan oleh al-Humaidi (Abu Bakr 'Abdullah bin az-Zubair bin 'Isa bin 'Ubaidillah al-Qurasyi al-Asadi al-Humaidi al-Makki m.219H) berikut:

حَدَّثَنَا الْحُمَيْدِيُّ قَالَ: ثنا سُفْيَانُ، قَالَ: ثنا طَلْحَةُ بْنُ يَحْيَى، عَنْ عَمْرِو بْنِ طَلْحَةَ، أَنَّهُ سَمِعَ مُعَاوِيَةَ بْنَ أَبِي سُفْيَانَ، يَقُولُ: سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ إِذَا قَالَ الْمُؤَذِّنُ: اللَّهُ أَكْبَرُ اللَّهُ أَكْبَرُ، قَالَ: «اللَّهُ أَكْبَرُ اللَّهُ أَكْبَرُ»، فَإِذَا قَالَ: أَشْهَدُ أَنْ لَا إِلَهَ إِلَّا اللَّهُ، يَقُولُ: «وَأَنَا أَشْهَدُ»، وَإِذَا قَالَ: أَشْهَدُ أَنَّ مُحَمَّدًا رَسُولُ اللَّهِ، قَالَ: «وَأَنَا أَشْهَدُ»، ثُمَّ يَسْكُتُ

Bermaksud: 'Isa bin Thalhah meriwayatkan, bahawa dia telah mendengar Mu'aawiah bin Abi Sufyan berkata, aku telah mendengar Rasulullah s.a.w. berkata اللَّهُ أَكْبَرُ اللَّهُ أَكْبَرُ apabila mu'azzin selesai mengucapkan اللَّهُ أَكْبَرُ اللَّهُ أَكْبَرُ. Apabila mu'azzin mengucapkan لَا إِلَهَ إِلَّا اللَّهُ, Baginda mengucapkan أَشْهَدُ أَنْ لَا إِلَهَ إِلَّا اللَّهُ (aku juga bersaksi). Dan apabila mu'azzin mengucapkan مُحَمَّدًا رَسُولُ اللَّهِ, Baginda mengucapkan وَأَنَا أَشْهَدُ (aku juga bersaksi). Kemudian beliau diam. (Al-Humaidi-Musnad al-Humaidi j.1 m/s 512).

Hadits ini jelas menunjukkan mu'azzin tidak menyebut haraf و sebelum tasyahhud kedua. Nabi s.a.w. pula ketika menjawabnya menyebutkan haraf itu. Agaknya itulah sandaran Mu'aawiah dalam menambahkan haraf و ketika menjawab tasyahhud kedua.

¹¹⁷⁰ Tujuan Bukhari meriwayatkan hadits 613 dengan sanadnya itu adalah untuk menyatakan beberapa perkara berikut: (a) Oleh kerana Yahya seorang mudallis, dan di dalam hadits 612 sebelum ini, beliau telah mengemukakan riwayatnya secara 'an'anah daripada Muhammad bin